



REPUBLIKA E SHQIPËRISË
BASHKIA SHKODËR
KRYETAR



UK Shkoder
Ujës-Jellës Kanalizime Sh.A.

UJËS-JELLËS KANALIZIME SH.A
SHKODËR

Nr. 4603 Prot
Shkodër, më 31.03.2023

Nr. 603 Prot
Shkodër, më 31.03.2023

AKT MARRËVESHJE

E lidhur sot me datën _____ . _____ .2023, mes palëve:

Bashkia Shkodër - përfaqësuar nga Kryetar i Bashkisë Shkodër **Z. Bardh Spahia**, madhor dhe me zotësi juridike të plotë për të vepruar adresa: Rruga 13 Dhjetori, nr.1-Shkoder, këtej e tutje e cilësuar si "**Bashkia**".

Ujës-jellës Kanalizime Shkodër sh.a, përfaqësuar nga drejtori **z. Arvit Bushati**, madhor dhe me zotësi juridike të plotë për të vepruar adresa: Lagjja Nr 3, Rruga "Marin Biçikemi, Shkodër

BAZA LIGJORE:

Kjo akt marrëveshje lidhet në bazë të :

- Ligji nr. 139/2015 "Për vetëqeverisjen vendore" i ndryshuar
- Ligji nr..9632, datë 30.10.2006 "Për sistemin e taksave vendore" të ndryshuar
- Ligji nr.9920, datë 19.05.2008 "Për procedurat tatimore në Republikën e Shqipërisë" të ndryshuar
- VKB nr.73, dt 28.12.2011 "Për përzgjedhjen e Sh.A.Ujës-jellës Kanalizime Shkodër si agjent tatimor për pagesen e taksave dhe tarifave te Bashkisë Shkodër për taksapaguesit familjar"
- VKB nr.1, datë 22.01.2016 "Për taksat dhe tarifat vendore". të ndryshuar

Palët bien dakort sa më poshtë:

NENI 1

OBJEKTI

Objekt i kësaj akt marrëveshje është kryerja e shërbimit të agjentit tatimor për vjeljen e taksave dhe tarifave familjare të qytetarëve nga ana e Ujësjetllës Kanalizime Shkodër sh.a në gjithë territorin e Bashkisë Shkodër.

NENI 2

QËLLIMI

Qëllimi i kësaj akt marrëveshje është ushtrimi i shërbimit të agjentit tatimor nga ana e Ujësjetllës Kanalizime Shkodër sh.a. për vjeljen e taksave dhe tarifave familjare nga qytetarët në juridiksion të Bashkisë Shkodër. Akt marrëveshja parashikon llogaritjen, faturimin e detyrimit vjetor të taksës familjare të ndarë në bazë mujore dhe vjeljen e detyrimeve, bazuar në programin informatik të Bashkisë Shkodër SiTTV dhe në programin bazë informatik të klientit të Ujësjetllës Kanalizime sh.a Shkodër .

NENI 3

DETYRIMI QË DO TË LLOGARITET DHE ARKËTOHET

Detyrimet e vitit (referuar nenit 4 të kësaj marrëveshje) për taksat dhe tarifat familjare llogariten nga Drejtoria e të Ardhurave në bazë mujore dhe i dërgohen Ujësjetllës Kanalizime Shkodër sh.a, për t'u përfshirë në faturën e shërbimit të furnizimit me ujë nga Ujësjetllës Kanalizime Shkodër sh.a, në cilësinë e agjentit tatimor. Për shërbimin, agjenti përfiton përkatësisht 2% (dy përqind) të shumës së arkëtuar.

Taksat dhe tarifat familjare, që arkëtohen nga Ujësjetllës Kanalizime Shkodër sh.a janë si më poshtë:

1. Të ardhura nga taksa mbi pasurinë e paluajtshme, ku përfshihen:
 - Të ardhura nga taksa mbi ndërtesat (Ndërtesa banimi).
 - Të ardhura nga taksa mbi tokën bujqësore.
 - Të ardhura nga taksa mbi truallin
2. Të ardhura nga tarifat vendore, ku përfshihen:

- Të ardhura nga tarifa e pastrimit dhe largimit të mbeturinave.
- Të ardhura nga tarifa për ndriçimin publik.
- Të ardhura nga tarifa për gjelbrimin.
- Të ardhura nga tarifa shërbimi AMTP.

NENI 4

AFATI

Kjo akt marrëveshje nënshkruhet për një periudhë 01.04.2023 deri me 31.12.2023

NENI 5

PËRGJEGJËSITË E PALËVE

- *Bashkia Shkodër merr përsipër :*

Drejtoria e të Ardhurave, në Bashkinë Shkodër, llogarit dhe faturon taksat dhe tarifën familjare të plota dhe me lehtësi fiskale vendore mbi bazë mujore.
I gjithë informacioni mujor dërgohet me email dhe me shkrim tek Ujësjetllës Kanalizime Shkodër sh.a, deri me datën 25 të muajit, për faturimin e muajit pasardhës.

Bashkia Shkodër i siguron mbështetje Ujësjetllës Kanalizime Shkodër sh.a, sipas kërkesave të kësaj të fundit, në funksion të vjeljes së detyrimeve dhe rritjes së të ardhurave, nëpërmjet strukturave organizative të saj, të Drejtorisë së të Ardhurave, të Njësive Administrative dhe të Policisë Bashkiake.

- *Ujësjetllës Kanalizime Shkodër sh.a, merr përsipër :*

Ujësjetllës Kanalizime Shkodër sh.a, informacionin e marrë nga Bashkia Shkodër, e regjistron në të dhënat bazë të klientit dhe ruan dokumentin origjinal të ndryshimeve mujore, të lëshuar nga Bashkia Shkodër.

Ujësjetllës Kanalizime Shkodër sh.a, kryejnë njoftimet për faturimin mujor për të gjithë abonentët që kanë kontrata shërbimi për ujësjetllës. kanalizime dhe klientë familjarë

Ujësjetllës Kanalizime Shkodër sh.a. mundëson pagesat e taksave dhe tarifave familjare nëpërmjet arkave pranë zonave të banimit në çdo njësi administrative.

Ujësjetllës Kanalizime Shkodër sh.a, transferon vlerat e arkëtuara për taksën e bashkisë çdo muaj në numrat e llogarive përkatëse në Degen e Thesarit në favor të Bashkisë Shkodër, bazuar në faturën për arkëtim që lëshon Bashkia Shkodër. Transferimi i 2%-shit të të ardhurave të arkëtuara për taksën e bashkisë, në cilësinë e agjentit tatimor, do të bëhet kundrejt faturës që do të lëshohet nga Ujësjetllës Kanalizime Shkodër sh.a, bazuar në akt rakordimin e mbajtur.

Transferimet e vlerave mund të bëhen me të shpeshta ose mund të jenë pjesore dhe t'i paraprijnë rakordimeve mujore, por gjithmonë duke u shoqëruar në fund të muajit me procedurën e rakordimit mujor.

NENI 6

REGJISTRAT DHE RAKORDIMET

Ujësjetllës Kanalizime Shkodër sh.a, mban përgjegjësi për dokumentacionin dhe regjistrat kontabël e arkivor që nga data e vlefshmërisë së kësaj akt marrëveshjeje. Ujësjetllës Kanalizime Shkodër sh.a, paraqet të dhëna dhe evidenca shkresore dhe elektronike sipas kërkesave të Bashkisë Shkodër në lidhje me të ardhurat, klientet, debitoret etj.

Transferimi elektronik i të dhënave do behet me e-mail mes Ujësjetllës Kanalizime Shkodër sh.a dhe Bashkisë Shkodër në adresat zyrtare.

Çdo muaj ndërmjet Ujësjetllës Kanalizime Shkodër sh.a dhe Drejtorisë së të Ardhurave të Bashkisë Shkodër, realizohet Akt - Rakordimi përkatës, për të ardhurat e arkëtuara gjatë muajit paraardhës.. Ky akt-rakordim kryhet deri me datën 15 të çdo muaji, dhe shoqërohet me faturën për arkëtim, që lëshohet nga Bashkia Shkodër.

Për çdo rakordim mujor Ujësjetllës Kanalizime Shkodër sh.a, paraqet bashkangjitur listen e plotë të tatimpaguesve familjare, duke dhënë informacione shtesë mbi numrin e kontratave të reja brenda kësaj liste, si dhe çdo informacion tjetër sipas kërkesës së Bashkisë Shkodër që ka lidhje me të ardhurat nga taksat dhe tarifatat familjare.

Transferimi i vlerave të arkëtuara bëhet çdo muaj në numrat e llogarive përkatëse në Degen e Thesarit në favor të Bashkisë Shkodër në përputhje me llogaritë kontabël të faturës për arkëtim. Afati i fundit i transfertës së të ardhurave të vjelura për muajin paraardhës, është data 25 e çdo muaji.

Çdo fillim viti Ujësjetllës Kanalizime Shkodër sh.a. i dorëzon Bashkisë Shkodër listën e plotë të klientëve. Bashkia Shkodër shqyrton listën dhe përditëson informacionin në lidhje me ID e klientit dhe adresën nëse e disponon këtë informacion.

Çdo fund viti Ujësjetllës Kanalizime Shkodër sh.a. i dorëzon Bashkisë Shkodër listën e plotë të klientëve, ku shënohen ato që kanë shlyer detyrimet për taksa dhe tarifa, vlerën që kanë paguar, dhe ata që janë debitorë.

NENI 7

FORMAT E BASHKËPUNIMIT

Bashkëpunimi ndërmjet dy palëve mund të zgjerohet nëpërmjet krijimeve të grupeve të përbashkëta dhe/ose mbështetese, informacioneve të ndërsjellta, ndihmë në logjistike etj.

NENI 8

MBROJTJA E TË DHËNAVE PERSONALE DHE KONFIDENCIALITETI

Ujësjetllës Kanalizime Shkodër sh.a dhe Bashkia Shkodër zbatojnë masa organizative dhe teknike të përshtatshme dhe të mjaftueshme për të mbrojtur të dhënat personale nga shkatërrimi aksidental ose i paligjshëm ose nga humbja, dëmtimi, ndryshimi, aksesit ose përhapja e paautorizuar dhe ndaj çdo forme tjetër përpunimi të paligjshëm si dhe zbaton kërkesat minimale të sigurisë së të dhënave që kërkohen nga legjislacioni në fuqi për mbrojtjen e të dhënave personale dhe aktet nënligjore përkatëse.

Palët garantojnë dhe marrin përsipër se do t'i mbajnë të dhënat e Klientëve në përputhje të plotë me kërkesat e ligjit nr.9887, datë 10.3.2008 "Për mbrojtjen e të dhënave personale", i ndryshuar dhe në çdo rast, për një periudhë jo më të gjatë se standardet dhe periudhat kohore të kërkuara. të përcaktuara ose të nënkuptuara nga legjislacioni shqiptar si dhe udhëzimet e nxjerra nga Komisioneri për Mbrojtjen e të Dhënave Personale ("Komisioneri").

Palët duhet të përdorin të dhënat e Taksapaguesve vetëm për qëllime të zbatimit të shërbimeve dhe detyrimeve të përcaktuara në këtë Kontratë.

NENI 9

PËRFUNDIMI I AKT MARRËVESHJES

Secila nga palët mund të përfundojë këtë akt marrëveshje në rastet kur:

- a. Shkelen dispozitat e ligjit dhe të akt marrëveshjes
- b. Palët nuk i përmbahen qëllimit dhe objektit të akt marrëveshjes

Për çdo rast, pavarësisht mënyrës së përfundimit, secila nga palët do të përmbushë të gjitha detyrimet që rrjedhin nga akt marrëveshja deri në çastin e ndërprerjes së marrëdhënieve.

Neni 10

FORCA MADHORE

Mospërmbushja e detyrimeve të kësaj Kontrate nga një Palë nuk do të konsiderohet shkelje, apo, mospërmbushje për aq kohë sa kjo mospërmbushje vjen si rezultat i një ngjarjeje të Forcës Madhore, si çdo urdhër, rregullore, vendim qeverie, e shpallur në formën e ligjit apo tjetër forme, ose çdo sanksion kombëtar apo ndërkombëtar, çdo kryengritje, trazira, kryengritje civile, luftë (e deklaruar apo jo), veprime apo kërcënime veprimesh nga terroriste ose individë, greva apo trazira të tjera pune, zjarr, përmbytje, termete apo çdo shkak tjetër që nuk varet nga faji apo neglizhencia e njëjës Palë, edhe jo e ngjashme me ato të sipërpërmendura, me kusht që një shkak i tillë të mos jetë në kontrollin e arsyeshëm të ndonjëjës Palë. Çdo Palë që pretendon Forcën Madhore, duhet të njoftojë Palën tjetër sa më shpejt të jetë e mundur pasi të ketë ndodhur ngjarja.

NENI 11

ZGJIDHJA E MOSMARRËVESHJEVE

Mosmarrëveshjet që mund të lindin ndërmjet palëve zgjidhen me mirëkuptim, me bisedime ndërmjet tyre, deri në gjetjen e një zgjidhje të përbashkët, në të kundërt palët kanë të drejtën t'i drejtohen për zgjidhjen e tyre Gjykatës kompetente.

NENI 12

DISPOZITA TË FUNDIT

Palët përgjigjen reciprocikisht për përmbushjen e detyrimeve dhe kushteve të parashikuara deri në fund të marrëdhënieve të kësaj akt marrëveshje për të qenë partnere në zbatimin e saj, duke punuar së bashku për realizimin e veprimtarive.

Në rast të humbjeve monetare, kalimit të afateve pa shkak ose mosrespektimit të elementeve të tjera të kësaj akt marrëveshje, ndiqen masat administrative dhe ligjore në fuqi.

Akt marrëveshja mund të ndryshohet vetëm nëpërmjet një dokumenti me shkrim të nënshkruar nga palët.

Çdo korrigjim i akt marreveshjes pas nënshkrimit të saj e bën atë të pavlefshme.

**NENI 13
HYRJA NË FUQI**

Kjo akt marrëveshje hyn në fuqi pas nënshkrimit të saj nga palët e kësaj marrëveshje.
Hartohet në 4 kopje të barazvlefshme në gjuhën shqipe, nga dy kopje për secilën palë.

PER

BASHKINË SHKODËR

KRYETAR

Bardh SPAHIA



PER

UJESJELLES KANALIZIME SHKODER,SH.A

DREJTOR

Arvit BUSHATI

